

DE  
**DATURA STRAMONIO**

*Dissertatio Pharmacologica*

QUAM  
CONSENSU ET AUCTORITATE PERILLUSTRIS DOMINI  
DIRECTORIS, AC PRAESIDIS FACULTATIS MEDICAE  
SPECTABILIS DOMINI DECANI NEC NON CLARISSIMORUM  
D.D. PROFESSORUM PRO DOCTORIS MEDICINAE LAUREA  
SUMMISQUE IN MEDICINA HONORIBUS AC PRIVILEGIIS  
RITE CONSEQUENDIS IN ANTIQUISSIMA ACCELERERRIMA  
UNIVERSITATE TICINENSIS

AUSPICE  
DOCT. FERDINANDO NOB. DE CATTANEI DI MOMO  
*CHEMIAE GENERALIS AC PHARMACEUTICAE PROF. ORD.*

CUM ADNEXIS THESISIBUS DEFENDENDIS


**Mense Aprillie 1847**

PUBLICAE DISQUISITIONI OFFEREBAT

**CAROLUS CARAVACCIO**  
LAUDENSIS.



TICINI REGII  
EX TYPOGRAPHIA FUSI ET SOCIJ.



*Pav. 1847*

THE UNIVERSITY OF CHICAGO  
LIBRARY

QUESTO TENUE LAVORO  
AGLI AMATISSIMI  
MIEI GENITORI  
CONSACRO.

THE JOURNAL OF THE

ROYAL ANTHROPOLOGICAL INSTITUTE

OF GREAT BRITAIN AND IRELAND

Vol. LXXV. 1945.

## INTRODUCTIO.

**I**nter medicamina, quae, maxima in therapeutica virtute pollent, et nihilotamen secius rarius a medicis adhibentur, *Datura Stramonium* recenseri meretur. Haec quidem planta, quamvis inter maxima truculenta venena rite enumeranda, si apta ratione suppedite-  
tur, magnas exsercet, ad morbos quamplures profligandos, medicatrices virtutes, quapropter perperam medici vix ejusdem non obliviscuntur. Egometipse mirabilis ex ejusdem usu effectus non semel observare potui. Quum itaque pluries mente pervolvissem, quodnam argumentum pertractare deberem ut extremum, quod lauream medicam assecuturis incumbit, academicum munus rite explere possem, supervacaneum me opus non acturum spem concepi in medicatas daturae stramonii virtutes disquirendo, et hujusce medicaminis efficaciam atque utilitatem clariorem in lucem ponendo, ut de illius

praestantia medici certiores facti, frequentius, quam non faciunt, ad illius administrationem cum aegrorum emolumento recursum habeant.

Antequam vero ad therapeuticarum daturae stramonii virium expositionem deveniam, botanicam hujusce plantae descriptionem praemittere opportunum censeo; dein aliquam chemicæ illius compositionis notionem addam; quaecumque, sive ex fortuita ejus ingestione, sive ex incongrua pharmaci propinatione, deleteria symptomata nonnunquam in conspectum veniunt, horum postea brevem mentionem habebo, regulis, ex quibus morboris istis phœnomenis medendum sit, non praetermissis. Expositas tandem morbis quos contra efficax hoc medicamentum famulatur, rationem ipsum praescribendi ultimo subjungam.



## CAPUT PRIMUM.

*Brevis Daturae Stramonii botanica descriptio.*



*Datura Stramonium* apud Germanos *Hechepfel*, apud Italos passim *pomo spinoso*, *noce spinosa*, *noce puzza*, *herba da incantesimi* nuncupatum, planta est annua, ab America orientali, Bigelow testante, ad Europam primitus delata, nunc in locis humidis, incultis prope villicorum domos communis, ad *pentandriam monogyniam* systematis Linnaei, atque ad *Solanacearum* familiam ordinis naturalis Jussieu pertinet.

Caulem ipsa refert herbaceum, trium quatuorve pedum altitudinem assequentem, cylindricum, ramulis hinc inde admodum stipatum, malicotomum. Foliis scatet alternis aut geminatis, in superiori ramorum parte petiolatis, ovatis, acuminatis, sinuosis, angulatis, marginalibus, leviter pubescentibus, viridi-atro colore instructis. Flores sat magnos edit, solitarios, extra-ascellares, quos

brevis villosusque pedunculus sustinet. Colorem album aut leviter violaceum ostendunt. Calicem habent tubulosum, monosepalum, in infima parte tumescentem, quinque dentibus nec non quinque praeditum angulis, caducum, oblungatum. Corolla monopetala est, infundibuliformis, amplissima, quinques angularis, cum angulis parum prominentibus, in limbum apertum desinens, ad longitudinem flexum. Ovarium pyramidale praebet figuram, acutis punctis obtegitur, quadriloculare est, polyspermum. Stigmatis forma ferro equino similitudinem offert. Fructus capsulas ovoidaeas manifestant, insimul ex intermedii defectu binatim superiora versus communicantes, permultis aculeis obteatas. In quatuor aperiuntur valvas, seminaque continent nigro colore scatentia, reniformia, rugosa, inodora, sed ingrato sapore praedita.

Tota planta, sed potissimum folia, ingratum odorem manat, nauseabundum, narcoticum, qui, Plenckio docente, vel naribus attractus sensum quodammodo stupefacit, quique magis magisque sub herbae confricatione evolvitur. Integrae plantae, seminibus vero praeprimis, nauseosus, amarus, et acrisque inest sapor.



## CAPUT SECUNDUM.

*Chemica Stramonii analysis.*

Chemicæ analysi a perillustri Promnitz subjecta recens daturæ stramonii planta sequentia suppeditavit:

Materiae extractivæ et gummosæ .	0, 6
Fœculæ . . . . .	0,64
Albuminæ . . . . .	0,15
Resinæ . . . . .	0,12
Salis . . . . .	0,23
Ligni . . . . .	3,15

Praeter hæc vero praeclarissimus Brandes principium aliquod alkaloide e stramonio eduxit, quod *Daturinae* nomine salutavit, et de quo inferius loquar.

Ipse autem Brandes stramonii semina diversis periculis tentavit, atque ex 1000 eorum partibus sequentia habuit consecutanea:

Per aquam frigidam tractata, hæc semina suppeditarunt:

Glutinis vegetabilis . . . . .	150
Albuminis . . . . .	95
Gummi . . . . .	45
Malatis, et hypermalatis potassae et daturinae . . . . .	30
Amissa . . . . .	155

*Caravaggio*

a\*

Ex relictis sub aquae frigidae actione, cum  
alcohole periclitatis extrahit:

Substantiae resinosae . . . . . 30

Materiei butyrraceae et cerae viridis 70

Quod aquae et alcoholi frigidis superfuit,  
aqua fervida opitulante praebuit:

Gummi cum benzoatis, acetatis, hy-

drochloratis et sulfatis potassae et

calcis vestigiis . . . . . 350

Materiei saccharinae . . . . . 40

Glutinis vegetabilis . . . . . 37,05

Olei fixi . . . . . 107,05

Lamellarum silicem continentium 67,05

Alcoholi subjecta, obtenta producta prae-  
stiterunt:

Olei fixi . . . . . 585

Materiei resinosae . . . . . 135

Aether vero eduxit alia praeter enumerata:

Olei fixi, acidique muriatici . . . 40

Gummi dragantis, alluminae, et pho-

sphatis calcis . . . . . 170

Potassae causticae solutionis ope obtenta  
sunt:

Glutinis . . . . . 275

Extracti gummosi . . . . . 300

Extracti aurantiaci . . . . . 30

Cineres denique hydrochlorates, sulfates,  
phosphates et carbonates potassae, sulfates

et phosphates calcis, silicem, oxydaque cupri, martis et magnesi continebant (1).

Peculiarem substantiam, cui daturinae nomen imposuit, ex datura stramonio praelaudatum Brandes assecutum fuisse, superius monui. Istius principii, cui, Kirchoff et Engelbarth docentibus, integrae daturae virtus inest, extrahendi rationem libenter, brevitatis gratia, omittam, methodum a clarissimo Righinio propositam (2) caeteras praecellere tantum commonens; ejusdemque characteres memorare satis habebo.

Est itaque daturina principium alkaloide, quod cum acidis jungitur, salesque efformat insolubiles. Albo donatur colore, pulverulenta est, perquam amaro sapore scatet. In aqua et alcohole vix non insolubilis nisi calor opituletur, quo auxiliante sat magnam aquirat solubilitatem. Omni stramonii vi quamvis pollere comprobatum sit, nondum tamen sufficientia habentur tentamina ut ejusdem actio plane innotescat.

(1) Richerd. Diz. class. di med. int. ad ist. V. 43 p. 339.

(2) Comment. di prepar., anal. ed oss. chim. e farm. p. 204.

## CAPUT TERTIUM.

*Stramonii in humanum organismum effectus  
atque eiusdem medendi ratio.*

Cunctas daturae stramonii partes in venenata vi pollere, multiplicibus, heu nimis! exemplis comprobatum habemus. Dummodo autem apta ratione et quantitate adhibitas, utiles potius quam deleterios effectus exserere, quotidiana experientia evincit. Intus insumptum mucipararum membranarum secretiones primum intendit, circulum per venosum sanguiferum systema sollicitat, in glandulas lymphaticas, huiusque generis vasa influxum exercet. Alvinas promovet evacuationes, atque secernentem uteri facultatem fovet, Sundelin cum aliis praecipiente. Nervosum autem praeprimis systema, tum ganglionare, tum cerebro-spinale potissimum afficit, atropae belladonae adinstar agendo, hacque de causa fit, ut quammaxime in huiusmodi systematis adfectionibus opitulari consuescat.

Ast si largiori, quam par sit, dosi ingurgitetur stramonium, aut diutius in ejusdem usu continuetur, adeo ut morbifica in

conspectum se proditura sint phoenomena , terrificus tum rerum adparatus praesto erit. Et jam sitis ingens , inexplibilis , tantalea eos, qui stramonium sumpserunt, vexat, summa anxietas angit, vehementes dolores cardialgici torquent. Maxima advertitur virium animalium prostratio, maxima in res externas insensibilitas. Permolestum confrictionis velutique suffocationis sensum in gutture experiuntur, quidam aboritur ebrietatis status, neque abdominis tensio, et tumefactio cum torminibus desiderantur. Torpent interrim membra, siccescit os, deicitur adpetitus, nauseae vomitusque obtinent, dilatantur pupillae, et hallucinationibus tentantur oculi. Neque delirium, ut plurimum furiosum, amplius moratur, neque tremores convulsi, animique deliquia. Quae quum duodecim, vel viginti quatuor, vel sex cum triginta horarum spatium perduraverint, sive sponte, si minor fuerit veneni dosis, sive, si major, apta adhibita therapia, paulatim evanescent; vel, si negligantur, aliam aperiunt morbosorum phoenomenorum scenam magis magisque pertimescendam. Hinc animi defectus et delirium altiore attingunt gradum, gutturis constrictio adeo adaugetur ut ferme appareant hydrophobiae symptomata; pulsus

parvi fiunt, intermittentes, celeres, ex recto et utero haemorrhagiae contingunt, lancinantibus abdomen doloribus cruciatur, vomitus sub quovis vel minimo corporis motu facillime aboritur. Labuntur proinde magis magisque corporis animique vires, urinae et alvus citra voluntatis imperium deponuntur, maculae nigrae aut miliares, pustulae rubrae in cute apparent, atque inter phaenomena apoplectica ac paralytica infaustam mors scenam claudit.

Si hujusmodi phaenomena majori vel minori gradu a daturae stramonii usu provenierint, citissima iisdem objicienda erit therapia, serius enim omnis medicina incassum paratur. Hinc medicus ad vomitum statim ciendum omni studio nitatur oportet, huncque ad assequendum scopum aqua potius tepidula abunde ingurgitata, quam emeticis acribus et metallicis, utatur. Acida porro vegetabilia, aceticum, citricum, tartaricum, aliaque ejusdem generis medicamenta adhibeat. Quibus, juxta praestantissimi Richteri praeceptum alcoholem atque fumum nicotianae tabaci addere confert. Si verum dynamicam daturae stramonii actionem perpendimus, atque neotericorum et praeprimis celeberrimi Giacomini hac de re animadversio-

nes in mentem revocamus, hyposthenizantem stramonium actionem exserere denegari nequit, ideoque in opposita virtute scatentia pharmaca contra ab ipso positos effectus in usum revocare conveniens erit.

## CAPUT QUARTUM.

*Adumbratio morborum in quibus daturae  
stramonii usus commendatur.*

Qui perpendat potissimam in nervosum systema actionem stramonium exercere, facile concipiet in morborum hujusmodi systematis adfectionibus therapeuticam hujusce substantiae virtutem magis convenire. Exinde provenit, ut in quibuscumque nervosi generis pathematibus maximam hoc pharmacon symbolam conferre consuescat. Hinc in morbis omnibus convulsivis praeprimis commendatur. Optimum in ipso invenit epilepsia remedium! eoque magis si ab irritativa nervorum conditione procedat. Septumem puerum istiusmodi formidando pathemate laborantem hoc remedio sanitati restituisse testatur Hoffmannus. Felices aequae pluries effectus obtinuit Odhelius. Fisher narrat juvenem hoc morbo ad statutas periodos recurrente

detentum, stramonii tinctura martialibus nupta opitulante, sanasse. Huffeland quoque maximum inde emolumentum est assequutus. Et si Gredingio fides sit habenda, ex 46 hoc morbo tentatis in quatuor constans levamen obtentum est, undecim aliquam utilitatem experti sunt, unusque perfecte reconvalluit.

Quemadmodum in epilepsia, in chorea etiam Sancti Viti utilis stramonii administratio evadit. Exemplum hujusce adfectus cum stramonio cortici peruviano juncto sanati in medium profert Sidrén, et aliud analogum refert Kreysig. Proficuum seminum tincturam expertus est Huffelandius, et Vendenberg atque Odhelius eam maxime commendant.

In dolorificis porro nervorum adfectionibus maximam stramonium opem afferre solet. Memorabile exemplum refert celeberrimus Orfila dirissimae cephalalgiae omnibus jam artis conaminibus diu renitentis, stramonio tantum auxiliante sanatae. Leutin optimo cum successu in atroci prosopalgia hoc pharmacum adhibuit, ex cujus administratione maximum habuisse ut plurimum emolumentum testantur quoque Wolff, Bigelow, atque Velsen. Admoto prius brachio cauterio, hunc



morbum sanavit Pott octo ad quindecim tincturae stramonii guttas quovis trihorio suppedditando. Droste denique ex Osnabrück tres refert singulares hujusce adfectionis historias magnam stramonii therapeuticam virtutem illustrantes.

Marcet plures adducit diversarum neuralgiarum casus hoc medicamine curatos, duodecimque tradit observationes, ex quibus ingens illius vis et salutaris actio patet. Daeysig illius ope rebellem ceteris artis comaminibus gastrodyniam ad sanationem perduxit. Frictionibus de stramonii extracto peractis atroces odontalgiae dolores lenivit Rust. Richter in acuto uteri morbo, intolerabili cruciatu comitato, magnum attulit cum daturae stramonii extracto aegrotanti emolumentum. Praelaudatus Marcet in quatuor coxalgiae casibus illud non absque utilitate usurpavit, eundemque Eberle effectum obtinuit. In tetano Americani stramonium quammaxime laudant. Angli medici ejusdem fumum in asthmate suadent. In hysterica atque hypochondriaca passione usu venire tradunt omnes practici, et magnam, teste Berends, in nymphomania opem affert. In rheumaticis musculorum adfectionibus, chronice decurrentibus, Engelarh et Zollikofer ejus-

dem utilitatem confirmarunt. Ad altiores doses porrectum in hydrophobia commendat Harles, ex eo quod hydrophobica symptomata parere solet.

Praeter adfectiones autem hucusque memoratas confert quamaxime stramonii usus in facultatum intellectualium aberrationibus, in mania nempe, atque melancholia, eoque magis monente praeclarissimo Stork, si superstitiosa religio, amor frustratus, aut retentae habituales sanguineae evacuationes morbi in causa fuerint. Ipse praeclaudatus Stork duo refert maniae exempla hoc auxilio sanatae. Aliud exemplum maniae cum melancholia alternas vices agentis eundem finem assecutae a Schmalz colligitur. Ex tinctura seminibus daturae parata magnum in foemina quadam emolumentum Nenbech obtinuisse tuetur. Berton stramonium efficax remedium declarat, et magna cum utilitate adhibuit. Bernard cum ipso mulierem sanitati restituit, quae ex metastasi lactea in maniam offenderat.

In encephalitide, ut vocant, thyphoidaea stramonii usum proponit atque laudibus extollit Kingius, ejusdemque efficaciam repetitis periculis confirmavit praeclarissimus Doctor Saggese in typho petechiali qui annis 1837-

1838 in regno neapolitano grassari observatus fuit. In prodromorum stadio praescriptum, gastricis jam ablatis complicationibus, leviorē morbum reddebat, quin imo saepe numero ex integro obtruncabat. Temporis progressu subministratum, *cerebralem typhicam irritativo-spasmodico-congestivam* conditionem imminuere vel quidem solvere potens erat.

In sarkocelis quoque curatione laudatur stramonii applicatio, quod etiam hujusmodi in casibus Doctoris Everite duabus observationibus confirmatur, ex quibus constat, frictionibus cum unguento, quod stramonium ingrediebatur, super adfectam partem peractis, nec non cum interna illius administratione salutare effectus consecutum fuisse. Communis est apud ophthalmojatros stramonii usus, tum ad pupillae dilatationem ut melius cataractae diagnosis instituat, tum ab morbosa phaenomena arcenda, quemadmodum, Hufeland et Mayer referentibus, in ophthalmiis scrofulosis, insuperabili photophobia comitatis, et in spasmodica ab alia causa palpebrarum atresia observatur.

In tussi praeterea convulsiva, nec non in ipsa phthisi pulmonali nonnunquam suppetias a stramonio attendendas esse praecipit cele-

berrimus Hartmannus; sed haud magna hisce in morbis virtute hoc pharmacon pollere candidè fatendum est. Meliorem potius praestare solet opem externæ admotum ad duriores glandularum tumefactiones emolliendas, ad tumores potissimum mammarum ex congesto lacte promanantes tuto et facile solvendo; quod certe Hermann et Plenck abunde testantur. Reticendum denique non est in cancerorum aliorumque dolentium ulcerum curatione a Marcet aliisque ipsum commendari; sed monendum est quoque hisce in casibus nonnisi magna cum circumspectione remedio utendum esse, incaute enim adhibitum, irreparabiles aliquando noxas patrare queit.

## CAPUT QUINTUM.

### *Ratio Daturam Stramonium praescribendi ac subministrandi.*

Hisce tali modo exaratis, nunc superest ut rationem tradam, qua efficax hoc medicamentum praescribere et subministrare refert.

Herba perraro pulveris sub forma porrigitur. Si tali tamen modo suppeditari velit, ejusdem dosis erit granorum trium ad sex, cum saccharo aut liquiritia aut alia edulco-

rante substantia in sex partes dividendorum, quarum una singulo bihorio sumenda erit. Dosis paulatim ad grana usque viginti in die adaugeri potest: ast hoc nonnisi cum maxima circumspectione agere oportebit, quosque organismo medicamen inducit effectus, prae oculis semper habebuntur.

Decocti quoque atque infusi sub forma perraro usurpatur stramonium, nisi extus sit admovendum. Si tamen interno usui hanc formam quis dicare mavult, stramonii quantitas erit scrupuli unius vel drachmae dimidia pro infusi aut decocti libra conficienda.

Inter diversa, quae de datura stramonio consequuntur praeparata, extractum magis efficax, vulgatumque est, eoque vix non semper utuntur medicinam facientes. Praescribitur pulveris vel pilularum sub forma ad granum dimidium pro singula dosi, quater sexiesve in nichthemero repetenda. Dosis haec paulatim adaugetur usquedum scrupulus et amplius in die sumatur; ast numquam satis erit laudandus ille medicus qui ad phaenomena ab ipso prosilitura vigilis attendat.

Ex foliorum daturae stramonii pressione oleum obtinetur usui quoque medico dicatum, sed tantum externo. Adhibetur pro

frictionibus, olei hyoscyami nigri adiungatur, supra excruciatas partes peragendis. Maximum nonnunquam, Wolffhio testante, emolumentum affert, atque, ut magis illius usus extendatur, meret.

Pro usu externo *pomata* etiam de stramonii floribus conficitur, partibus dolentibus aut ulceratis admovenda. Componitur generatim aequales foliorum et axungiae suillae partes insimul terendo. Zollikofer autem eam parat coquendo foliorum stramonii unciam cum axungiae unciis quatuor et ceræ albae una.

Extat præterea tinctura quaedam stramonii a Leutinio primitus adhibita; quæ digerendo seminum stramonii uncias binas in vini hispani uncis octo, et spiritus vini re-  
tificati uncia assëquiebatur. Ad guttas sex-  
decim pro singula dosi porrigitur.

**Praelaudatus** Zollikoffer aliam proponit  
hujusmodi tincturam tab. ipsomet simplicem  
vocatam, quae tamen composita potius dici  
mereret, quæque sequenti ratione conflatur:

℞. Semin. stramon.	unc. j
diger. per dies septem in	
Spirit. vin. dilut.	Lb. j
colat. add.	
Olei puleg.	gutt. xx
Ol. cinnamom.	drach. ÷
Tinctur. opii	unc. j
Spirit. camphor.	unc. ij
m.	


Tinctura denique aetherea memoranda etiam venit, quae in majori forsitan activitate pollit, et conficitur, absque caloris inter-ventu; per tres dies digerendo binas semi-num stramonii uncias cum uncis octo spiri-tus sulfurico-aetherei. Eadem, ac mox dicta, quantitate usurpari solet.

Hisce jam ad brevis dissertatiunculae finem perveni. Plura certe alia dici potuissent; sed tyroni studiorum curriculo vix egresso par-cendum profecto erit, si tantum omnia, quae potuit, egit. Utinam haec valerent efficere, ut maxima therapeutica stramonii virtute perspecta, crebrius ad ipsum recursum ha-beant medici, deleteriam tamen illius actio-nem nunquam obliviscentes.

FINIS.

## THESES DEFENDENDÆ.

1. Hypochondriasis a nervorum systematis ganglionaris adfectione dependet.
2. Proxima tetani causa non semper in myelitis quaerenda.
3. Emetica in cholera-morbo curando magnam profecto sibi vindicant virtutem.
4. Inspectio pulsus sine cordis inspectione parum indicat.
5. Febris puerperalis a metastasi lactea minime repetenda.
6. Cranii terebratio in epilepsia a cranii læsione prodeunte prudenter instituenda.
7. Sputa purulenta a puriformibus discriminari difficillimum negotium.
8. Haemoptoe non semper timenda.





## Indice degli Autori delle Matemie.

## Vol. 246.

Aschauer Federico (De — De Pseudriatris — — —	27
Caldesi Andrea — De suppressione Menstruorum —	49
Campagnaani Alessandro — De systematibus nervosis sym-	
ptomaticis in videri seque in fluxum — — —	165
Cantoni Lelio — De Musiciis in acinus ejusdem	
quo in pluresque morbos efficacia — — —	113
Carcano Giuseppe — De Vinco — — —	231
Caravaggio Carlo — De Datura Stramonio — — —	843
Castola Giuseppe — De Lodagra — — —	233
Cervelli Donato — De Arthritide Rheumatica —	207
Cervolini Luigi — De Cranthematibus graue-	
lisy — — — — —	189
Chiavollati Carlo — De Emphysemate — — —	297
Custani Giovanni Gaetano — De Glossitide —	129
Corbetta Gaetano — Nouella de scissione ve-	
rua — — — — —	545
Dalla Giusta Luigi — De Hygienico atque thera-	
peutico usu balnei frigidi — — —	715
Della Torre " — De Febribus intercurrentibus	
hemorrhagicis — — — — —	87
Folli Antonio — De Hemorrhagiis in genere — — —	521
Fornuini Carlo — Generalia de frigoris actione in organa —	671

- Giacomini Egidio** — *De splenis in æconomia  
humana probabili functione* — 720
- Loni Gaetano** — *Asterisum aneurysmalis  
origo* — 565
- Maderl Emmau.** — *De sterilitate* — 295
- Marianini Giovanni Battista** — *Dell' Elettività  
confidenza come sussidio diagnostico e  
terapeutico* — 475
- Martinelli Francesco Luigi** — *De febrium nov.  
vrsarum deuteropathia potiusquam  
protopathia ad egritudinem leuculos  
compodata* — 429
- Monfellece Carlo** — *De Cussi convulsiva* — 519
- Opolezky Ignazio** — *De contagiorum theoria* — 749
- Pellandì Giuseppe** — *De Talo mesenterica* — 3
- Repon Francesco Emerico** — *De asfultatione  
organorum respiratorio inferiorum* 241
- Stuer M. E.** — *Leuici interuoluto statu athetico  
dell' epidermia tollentia dominante  
(detta Choleoria) riguardo all' Italia  
o soprattutto alla Provincia Veneto* — 649
- Stella Alberto** — *De Hæmoptoe* — 689
- Vandoni Giuseppe** — *In tractatum neuralgiarum* 623